



Province of the
EASTERN CAPE
EDUCATION

**NASIONALE
SENIOR SERTIFIKAAT**

GRAAD 12

SEPTEMBER 2016

AFRIKAANS EERSTE ADDISIONELE TAAL V2

PUNTE: 70

TYD: 2 uur



Hierdie vraestel bestaan uit 25 bladsye.

INSTRUKSIES EN INLIGTING

Lees AL die instruksies aandagtig deur voordat jy die vrae beantwoord.

1. Moenie die hele vraestel deurlees nie.
2. Gebruik die inhoudsopgawe om jou met jou keuses te help.
3. Die vraestel bestaan uit VIER afdelings:

| | | | |
|-------------|-------------|------|---------------------------------------|
| AFDELING A: | Roman | (35) | |
| AFDELING B: | Drama | (35) | |
| AFDELING C: | Kortverhale | (35) | Beantwoord vrae op albei kortverhale. |
| AFDELING D: | Gedigte | (35) | Beantwoord vrae op albei gedigte. |
4. Lees die inhoudsopgawe op bladsy 3 en dui die vraagnommers van die TWEE letterkundetekste wat julle in die klas behandel het, aan.
5. Beantwoord TWEE vrae: EEN VRAAG uit elkeen van die TWEE afdelings wat julle behandel het. LET WEL: Indien jy AFDELING C (Kortverhale) of AFDELING D (Gedigte) beantwoord, moet jy BEIDE vrae uit hierdie afdelings beantwoord.
6. Begin ELKE afdeling op 'n NUWE bladsy.
7. Nommer die antwoorde korrek volgens die nommeringstelsel wat in hierdie vraestel gebruik is.
8. Laat 'n reël oop na elke antwoord.
9. Voorgestelde tydsindeling: Ongeveer 60 minute per afdeling/vraag.
10. Skryf netjies en leesbaar.

INHOUDSOPGAWE

Hierdie bladsy sal jou in staat stel om die vrae te kies wat jy wil beantwoord sonder om deur die hele vraestel te lees.

| AFDELING A: ROMAN | | | PUNTE | BLADSY NR. |
|----------------------------------------------------------------|---------------------------------------------------|--------------------|--------------|-------------------|
| VRAAG 1: | <i>Kringe in 'n bos</i> | Kontekstuele vraag | 35 | 4 |
| OF | | | | |
| VRAAG 2: | <i>Die ongelooflike avonture van Hanna Hoekom</i> | Kontekstuele vraag | 35 | 7 |
| OF | | | | |
| VRAAG 3: | <i>Meeulanders</i> | Kontekstuele vraag | 35 | 10 |
| AFDELING B: DRAMA | | | | |
| VRAAG 4: | <i>Poppie – die drama</i> | | 35 | 13 |
| OF | | | | |
| VRAAG 5 | <i>Paljas</i> | | 35 | 16 |
| AFDELING C: KORTVERHAAL (Beantwoord albei kortverhale.) | | | | |
| VRAAG 6 | Agter 'n baard – Hennie Auckamp | | 18 | 19 |
| EN | | | | |
| | Die pakkie – Leonard Koza | | 17 | 21 |
| AFDELING D: GEDIGTE (Beantwoord albei gedigte.) | | | | |
| VRAAG 7 | Wie's hy? | | 18 | 23 |
| EN | | | | |
| | Kabouterliefde | | 17 | 24 |

KONTROLELYS

Gebruik die kontrolelys om te verseker dat jy die vereiste getal vrae beantwoord. **LET WEL:** Maak seker dat jy vrae oor slegs TWEE afdelings beantwoord het.

| AFDELING | | VRAAGNOMMERS | VRAE BEANTWOORD | DUI AAN (✓) |
|-----------------|-------------|---------------------|------------------------|--------------------|
| A: | Roman | 1–3 | 1 | |
| OF | | | | |
| B: | Drama | 4–5 | 1 | |
| OF | | | | |
| C: | Kortverhale | 6 | 1 | |
| OF | | | | |
| D: | Gedigte | 7 | 1 | |

AFDELING A: ROMAN**KRINGE IN 'N BOS – Dalene Matthee****VRAAG 1: KONTEKSTUELE VRAAG**

Lees die volgende uittreksel en beantwoord die vrae wat daarop volg.

| | |
|----|------------------------------------------------------------------|
| 1 | Hy het die eerste winter van die nuwe stormloop deur die tente |
| 2 | sien kruip en die vroue en die kinders jammer gekry. Maar |
| 3 | ook nie almal nie... |
| 4 | Dit was 'n kwaai winter. Hulle had die goed skaars droog, dan |
| 5 | reën dit al weer! Teen 'n oopgekapte helling onderkant die |
| 6 | tentdorp het die hopies grond in die begraafplaas meer |
| 7 | geword; die katstertgras en kystervarings het stadig nader |
| 8 | gekrui en die eerstes begin toegroei. |
| 9 | Maar die koue en die reën het die stroom nie gestuit nie. Net |
| 10 | die haglike “pad” het sommige laat omdraai – om uit te vind |
| 11 | dat daar nie 'n ander manier was om daar te kom nie, sodat |
| 12 | hulle die tweede keer maar moes deurdruk tot bo. Eindelik |
| 13 | is daar 'n passasiersdiens tussen Knysna en Walker & Berg se |
| 14 | winkel sewe myl onderkant die tentdorp ingestel: vyf sjielings |
| 15 | per kop plus twintig pond bagasie. Die laaste sewe myl was |
| 16 | tien keer erger as die twintig van die dorp af en moes te voet |
| 17 | afgelê word. As die rit per bokwa van die dorp hulle nie |
| 18 | ontnugter geskud het nie, het die tog tot bo dit gedoen. Daarby |
| 19 | moes die waens soggens vroeg van die dorp af vertrek sodat |
| 20 | die passasiers nog daglig oorhet vir die laaste sewe myl. Om |
| 21 | jou in die donker in 'n olifant vas te loop, was nie iets om mee |
| 22 | te speel nie. |

- 1.1 “Hy het die eerste winter van die nuwe stormloop deur die tente sien kruip ...”
- Wat het aanleiding tot die “nuwe stormloop” gegee? (1)
- 1.2 Wat suggereer die “hopies grond”? (1)
- 1.3 1.3.1 Watter negatiewe karaktertrek van die mens verklap die volgende sin?
- “Maar die koue en die reën het die stroom nie gestuit nie.” (1)
- 1.3.2 Gee TWEE bewyse uit die uittreksel om bogenoemde stelling te bewys. (2)

- 1.4 Waarom word die woord “pad” tussen aanhalingstekens geskryf? (1)
- 1.5 Wat was Saul se opinie op hierdie stadium oor die moontlikheid van rifgoud in die Bos? (1)
- 1.6 Watter magteloosheid het Saul opnuut beetgepak? (1)
- 1.7 Watter ontwikkeling is vir Meulbos in die vooruitsig gestel? Gee TWEE voorbeelde. (2)
- 1.8 Hoe kon Saul voordeel hieruit trek? (1)
- 1.9 Sou jy ook soos Saul “nee” gesê het vir hierdie geleentheid om geld te maak? Gee 'n rede vir jou antwoord. (1)
- 1.10 Hoe het Kate bygedra dat Saul met die uitlanders kon kommunikeer? (1)
- 1.11 “... maar ook nie almal nie ...”
- 1.11.1 Hoekom het Saul nie almal jammer gekry nie? Gee DRIE redes vir jou antwoord. (3)
- 1.11.2 Sou jy Saul kwalik neem vir hierdie subtiele wraak? Hoekom sê jy so? (1)
- 1.12 Alhoewel Saul vir Kate na sewe jaar weer sien, was hulle nie juis baie warm teenoor mekaar nie. Wat was die rede hiervoor? (1)
- 1.13 Hoekom was dit nou vir Saul moontlik om met die dorpsmense te meng sonder om weggejaag te word? (1)
- 1.14 Watter nare ondervinding het hy as seun beleef in sy nuuskierigheid na kennis? (1)
- 1.15 1.15.1 Wat was Saul se uiteindelige doel in sy soeke na rykdom? (1)
- 1.15.2 Het hy daarin geslaag? Motiveer jou antwoord. (1)
- 1.16 Skryf slegs die antwoord langs die vraagnommer (1.16.1–1.16.3) neer.
- skemer; geld; gevoel; kruideniersware; Engels; Kitchen Dutch; duisternis; donker; goodfor; koppigheid
- Eendag sal hy nie meer woon waar dit altyd 1.16.1 ... is nie. Oom kan die 1.16.2 ... vir MacDonald vra en die goed kry. Dieselfde magtelose 1.16.3 ... as die dag toe hy die byl teen die kalender moes lig, het in hom opgestaan. (3)
- 1.17 Hoe stem Saul se lewe met dië van Charles Dickens ooreen? (2)

- 1.18 1.18.1 Hoe sou die regeringsproklamasie Saul help in sy stryd om die Bos te beskerm? (1)
- 1.18.2 Noem EEN onmiddellike reaksie van die delwers teenoor hierdie Proklamasie. (1)
- 1.18.3 Hoe stem hierdie handeling ooreen met 'n soortgelyke voorval voorheen in Saul se lewe deur sy eie mense? (1)
- 1.18.4 Kan 'n mens die Bosmense kwalik neem vir hierdie houding teenoor Saul? Gee 'n rede vir jou antwoord. (1)
- 1.19 Kies die naam uit KOLOM B wat by die aanhaling in KOLOM A pas. Skryf net die vraagnommer (1.19.1–1.19.4) en die letter (A–E) neer, bv.1.19.5 F.

| KOLOM A | | KOLOM B | |
|---------|------------------------------------------|---------|--------------|
| 1.19.1 | “Hulle sê dis Oupoot wat dit gedoen het” | A | Joram |
| 1.19.2 | “Gelyk! Wys hom, manne! Wys hom!” | B | Oom Anneries |
| 1.19.3 | “Lat dit nou regtig jy is, Saul?” | C | Maska |
| 1.19.4 | “Mog dit vandag Oupoot wees, ...” | D | Sanna |
| | | E | Saul |

(4)
[35]

OF

VRAAG 2: KONTEKSTUELE VRAAG**DIE ONGELOOFLIKE AVONTURE VAN HANNA HOEKOM – Marita van der Vyver**

Lees die uittreksel hieronder en beantwoord die vrae wat daarop volg.

1 En ek moet toegee, Margot het nie die grimering oordoen nie. Eintlik kan jy
2 amper nie sien ek het grimering aan nie. En tog het my vel wonderbaarlik
3 verbeter. Selfs die karbonkel op my ken is omtrent onsigbaar. My wange
4 het gesonde blos gekry, my oë het groter geword, my lippe voller. Jy sou
5 sweer 'n goeie fee het 'n toorstaffie oor my geswaai.
6 “nou gaan jy jou nuwe swart trui aantrek,” beveel Margot, “en dan wag jy in
7 die kamer tot ons jou roep vir ete. En dan maak jy 'n dramatiese versky-
8 ning.”
9 En sy gooi haar arms oop en lig haar ken om te wys hoe ek veronderstel
10 is om te verskyn.
11 “Ag nee, ek dink nie dit sal nodig wees nie,” protesteer ek.
12 “Trust me”, sê sy. “Ek is 'n aktrise. Ek wéét van dramatiese verskynings.”
13 “Maar ek is nie 'n aktrise nie. Ek sal soos 'n gek voel.”
14 “Gavin sal mal wees daaroor”, sê Sharon. “Doen dit vir hom, toe?”
15 Met die gevolg dat ek die volgende twee uur in my kamer deurbring. So
16 senuweeagtig soos 'n aktrise wat wag dat die gordyn lig. En toe Margot my
17 roep, begewe my moed my heeltemal en ek loop sleepvoet en kop onder-
18 stebo by die kamer uit.
19 “Lig jou ken, poplap!” beveel Margot soos 'n sirkusbaas wat 'n hond deur 'n
20 hoepel laat spring. “Wys ons wat jy het!”

- 2.1 2.1.1 Watter ongewone dinge gebeur met Hanna op hierdie dag? Gee DRIE feite. (3)
- 2.1.2 Waarom gebeur hierdie dinge juis op dié dag met haar? (1)
- 2.2 2.2.1 Wat lei 'n mens dus af oor hoe Hanna oor haarself gevoel het? (1)
- 2.2.2 Het sy genoeg rede gehad om so oor haarself te voel? Gee TWEE bewyse sover dit haar voorkoms betref. (2)
- 2.2.3 Sou jy dieselfde oor jouself gevoel het indien jy Hanna was? Gee 'n rede vir jou antwoord. (1)
- 2.3 Gavin verras vir Hanna op hierdie dag.
- 2.3.1 Het hy toevallig daar opgedaag? Motiveer jou antwoord deur TWEE feite te gee. (2)
- 2.3.2 Hoekom voel Hanna skaam oor haar pa se voorkoms? Gee TWEE feite. (2)

- 2.4 Kies die naam uit KOLOM B wat by die aanhaling in KOLOM A pas. Skryf net die vraagnommer (2.4.1–2.4.4) en die letter (A–E) neer, bv. 2.4.2 B.

| KOLOM A | | KOLOM B | |
|---------|-----------------------------------|---------|--------|
| 2.4.1 | “Waar kom hierdie engel vandaan?” | A | Margot |
| 2.4.2 | “Ons gaan jou stunning laat lyk.” | B | Yann |
| 2.4.3 | “Moet dit net nie oordoen nie.” | C | Hanna |
| 2.4.4 | “Cashmere”, “Wow” | D | Sharon |
| | | E | Gavin |

(4 x 1) (4)

- 2.5 “Nou gaan jy jou nuwe swart trui aantrek.”
- 2.5.1 Van wie kom hierdie swart trui? (1)
- 2.5.2 Watter geskenk het die persoon in VRAAG 2.5.1 by ’n vorige geleentheid aan haar gegee? (1)
- 2.5.3 Dink jy dit is regverdig dat Hanna verwag het dat sy ’n pa in die huis moes hê? Gee EEN rede vir jou antwoord. (1)
- 2.6 Hanna se indrukke omtrent Margot het op hierdie dag begin verander.
- 2.6.1 Watter deurslaggewende bydrae van Margot het Hanna se siening omtrent haar finaal laat verander? (1)
- 2.6.2 Hoe sien Margot haarself in haar rol as ouer? (1)
- 2.6.3 Waarom bly Yann skepties oor sy ma se verandering? (1)
- 2.6.4 Hoe bewys Yann tog dat hy hard probeer om hul verhouding te herstel? (1)
- 2.7 “Ek weet van dramatiese verskyning.”
Bewys hierdie stelling deur te verwys na Margot se aankoms op die berg. Gee TWEE feite. (2)
- 2.8 “Trust me,” sê sy. “Ek is ’n aktrise.” (reël 12)
- 2.8.1 Bewys dat bogenoemde stelling waar is. (1)
- 2.8.2 Waarom was Margo so desperaat om binne drie dae van die berg af weg te wees? (1)

- 2.8.3 Hoe kry sy dit reg om tog betyds van die berg af weg te kom? (1)
- 2.8.4 Wat is dit omtrent aktrises wat Hanna se eerste indrukke van Margot regverdig? (1)
- 2.9 2.9.1 Waarom was Tibo so geïnteresseerd dat Margot Tirot-kaarte kon lees? (1)
- 2.9.2 Sou jy dieselfde as Tibo opgetree het, en waarom? (1)
- 2.10 Skryf slegs die antwoord langs die vraagnommer (2.10.1–2.10.3) neer.
- | |
|----------------------------------------------------|
| Yann; Margot; bewegings; bokspronge; Sharon; Gavin |
|----------------------------------------------------|
- 2.10.1 ... spring gretig op en druk 'n ander CD in die masjien. Toe gryp Gavin vir 2.10.2 ... Selfs Tibo en Amos dans met spastiese 2.10.3 (3)
- 2.11 Hoekom kan ons sê dat Mana se idee van haar wittebrood geslaagd was? (1)

[35]**OF**

VRAAG 3: KONTEKSTUELE VRAAG**MEEULANDERS – Esta Steyn**

Lees die onderstaande uittreksel deur en beantwoord die vrae wat daarop volg.

MEEULAND, SATERDAG, 23 SEPTEMBER 1978

1 *My eerste twee brode het nie reg uitgekom nie. Jannerik sê die stoof was*
 2 *te koud. Ek het dit vir die meeu gekrummel en gekyk hoe hulle in swerms*
 3 *op my afpyl. Ek was weer by die malgaswyfie met die twee kuikens en het*
 4 *lank vir hulle gesit en kyk. Sy weet nie haar een kind is 'n duikertjie nie.*
 5 *Maar die klein malgassie lyk vir my swak. Die mannetjie het kos gebring*
 6 *en die duikertjie het hom dik geëet. Ek wil die wyfie teken. Sy is nie so*
 7 *aggressief soos die ander malgasse nie.*

8 Ousanna Siener het die tyding saam met 'n kind strandlangs gestuur tot by
 9 Matthys Langhans se seegrasspan. Matthys het die boodskap vir Hansie
 10 gegee en Hansie het Meeuland toe geroep en met Elsabet gepraat. Dit
 11 was slegte nuus vir Jannerik: sy dogter, Kinnie, is aan maaggreep oorlede.
 12 Hy moes wal toe.

13 Toe hy die volgende dag die katrol draai sodat die jettietrap kan sak, is sy
 14 gesig stroef. Hy dra sy enigste pak klere, reeds dun geskuur om die
 15 elmboë, en 'n jas oor die arm. "Jy kan nie langer as vier dae kry nie,
 16 Jannerik," sê Jacob en help hom om die Sterretjie, wat opgehys is, te sak.
 17 "Jou verlof is reeds opgebruik. Twilight moet
 18 Vrydag ingaan dokter toe, dan kan jy saam terugkom. Vieruur."
 19 "Is reg, kaptein."

Bl. 51 en 52

- 3.1 3.1.1 Haal 'n sin uit die uittreksel aan wat daarop dui dat Ryna en Jannerik 'n goeie verhouding gehad het. (1)
- 3.1.2 Dieselfde kan ongelukkig nie van Ryna en Jacob op hierdie stadium gesê word nie. Motiveer deur DRIE feite te gee. (3)
- 3.2 3.2.1 Waarna verwys die skuinsgedrukte gedeelte van die uittreksel? (1)
- 3.2.2 Watter soort verteller word by die skuinsgedrukte gedeelte gebruik? (1)
- 3.3 "Sy weet nie haar een kind is 'n duikertjie nie."
- 3.3.1 Van wie word die "sy" later simbolies in die verhaal? (1)
- 3.3.2 Na watter groot geheim verwys bogenoemde woorde? (1)
- 3.3.3 Was dit reg dat die inligting in (VRAAG 3.3.2) van Janka weerhou was? Motiveer jou antwoord. (1)
- 3.4 Watter onwaarheid kom in die uittreksel voor? Haal VYF agtereenvolgende woorde aan. (1)

- 3.5 Watter ander soortgelyke slegte nuus moes Jannerik ook vroeër in sy persoonlike lewe ervaar? (1)
- 3.6 “... Hansie het Meeuland toe geroep ...”
Wat word met “geroep” bedoel? (1)
- 3.7 Dink jy Jacob se stelling aan Jannerik in reël 17 dat sy verlof op is en binne vier dae terug moet wees, is ongevoelig? Motiveer jou antwoord. (1)
- 3.8 Hoe probeer Ryna Jannerik se pyn versag net voor hy wal toe vertrek? (1)
- 3.9 3.9.1 Wat moet Jannerik saambring wanneer hy terugkeer Meeuland toe? (1)
- 3.9.2 By watter tragedie sou bogenoemde belangrike item by (VRAAG 3.9.1) ’n groot rol gespeel het? (1)
- 3.10 Die geboorte van die twee babas speel ’n sentrale rol.
3.10.1 Wat is die EEN groot verskil by hulle geboortes in terme van hulle oorlewing? (2)
- 3.10.2 Watter kriminele daad is by die verwekking van die een baba gepleeg? (1)
- 3.10.3 Hoe het die skuldige party seker gemaak dat sy daad ’n geheim bly? (1)
- 3.10.4 Hoe gebruik Skalla hierdie situasie tot sy eie voordeel? (2)
- 3.11 Gee EEN bewys (wat verband hou met Jannerik) dat Ousanna werklik ’n siener was. (1)
- 3.12 3.12.1 Watter mediese probleem het Twilight gehad dat sy die dokter moes gaan besoek? (1)
- 3.12.2 Watter slegte nuus het die dokter egter vir Twilight gehad? (1)
- 3.13 Hoe bewys Attie sy handvaardighede teenoor Janka in hierdie roman? (1)
- 3.14 Alhoewel Fred, as die vrouejagter en oneerlik voorgestel word, toon hy tog karakterontwikkeling later in die verhaal. Bewys dit deur TWEE feite te gee. (2)

- 3.15 Kies die persoon uit KOLOM B wat by die beskrywing in KOLOM A pas. Skryf slegs die vraagnommer (3.15.1–3.15.4) en die letter (A–E) neer, bv. 3.15.2 B.

| KOLOM A | | KOLOM B | |
|---------|---------------------------------------|---------|-----------------|
| 3.15.1 | Besit sy/haar eie fabriek | A | Magdelene White |
| 3.15.2 | Werk op Meeuland as 'n assistent | B | Sheila |
| 3.15.3 | Speel die klavier by die skoolkonsert | C | Reggie |
| 3.15.4 | Beland in 'n rystoel na 'n ongeluk | D | Janka |
| | | E | Attie |

(4 x 1) (4)

- 3.16 Voltooi die volgende paragraaf. Gebruik die woorde in die lys hieronder. Skryf slegs die vraagnommer (3.16.1–3.16.3) en die antwoord neer.

| |
|---------------------------------------------------------------------|
| Jacob; kalm; Fred; Sterretjie; die Meeuw; benoud; Attie: die dokter |
|---------------------------------------------------------------------|

Dis agtuur toe 3.16.1 ... vir Elsabet by die kamer indra. Sy stem klink
3.16.2 ... "Gaan roep my ma op die CB! Laat weet 3.16.3 ... moet kom."

(3)
[35]

TOTAAL AFDELING A: 35

AFDELING B: DIE DRAMA**POPPIE-DIE DRAMA – Elsa Joubert en Sandra Kotzé****VRAAG 4: KONTEKSTUELE VRAAG**

Lees die onderstaande uittreksel deur en beantwoord die vrae wat daarop volg.

| | |
|----|--------------------------------------------------------------------------------------|
| 1 | Jakkie kom binne, gooi sy goed neer, sit en begin eet. Mama beweeg |
| 2 | weg. |
| 3 | POPPIE: Hoekom is jy so 'n groot worrie vir Mama? |
| 4 | JAKKIE: Ons doen nie slegte goed nie, Sisi. |
| 5 | POPPIE: Die busse is flenters en die skole brand en die |
| 6 | kinders is dronk op straat, en jy sê dis nie slegte goed nie. Hê, |
| 7 | Jakkie? Phendula! |
| 8 | Jakkie stap weg. |
| 9 | MAMA: (begin weer huil). En hulle sê hy's 'n leader. |
| 10 | MOSIE: My sustertjie, ek like nie hierdie riots nie, ek like dit nie dat die kinders |
| 11 | die owerhede tease en seerkry nie, of lat hulle my kar stop en skree |
| 12 | donate! donate! totlat ek vir hulle petrol vir hulle petrol bombs uittap |
| 13 | nie. Maar my sustertjie, ek kan nie dit help nie, daar's iets in my hart |
| 14 | wat sê: At last. Maar ek druk dit af in my hart, want hierdie manier is nie |
| 15 | die Here se manier nie. En dan kom dit weer in my hart: At last. |
| 16 | POPPIE: Nòù baklei julle. Hoekom het julle nie vir my baklei toe ek so swaar- |
| 17 | gekry het nie? |
| 18 | JAKKIE: (staan by die kinders). Ek baklei vir jou, Sisi. Ek baklei vir jou en jou |
| 19 | kinders. Ek gooi die klippe nie teen die <i>nylons</i> nie, maar teen die wet. |
| 20 | MAMA: (kom nader). Sisi, Jakkie is gevang! Hy't gister saam gemarch met die |
| 21 | kinders in die stad. Die polisie het hom uitgesoek, want hulle sê hy's al |
| 22 | groot, wat soek hy tussen die skoolkinders, hy's 'n leader. Hy't gesê vir |
| 23 | hulle: Ek het maar in die stad geloop en toe kom die kinders, toe march |
| 24 | ek saam. Maar hulle het hom nie geglo nie. |
| 25 | POPPIE: Wanneer kry hierdie moeilikheid end, Mama? |
| 26 | MOSIE: Dit sal nie maklik end kry nie, Sisi. |

Bl. 55 en 56

- 4.1 Hoe sou jy sê, wat is die motoriese moment volgens die uittreksel wat tot die res van die gebeure gelei het? Gee TWEE feite. (2)
- 4.2 Watter nie-gewelddadige optrede (volgens die uittreksel) openbaar die kinders wat glad nie by kinders se gedrag pas nie? (1)

- 4.3 POPPIE: “Hoekom is jy so ’n groot worrie vir Mama?” (reël 3)
- 4.3.1 Gee TWEE bewyse wat hierdie woorde van Poppie aan Jakkie regverdig. (2)
- 4.3.2 Sou jy ook soos Jakkie betrokke geraak het? Gee ’n rede vir jou antwoord. (1)
- 4.4 POPPIE. “... en die kinders is dronk op straat ...” (reël 6)
- Wat is ironies omtrent hierdie dronk toestand van die kinders indien hulle latere optredes in ag geneem word? (2)
- 4.5 “Jakkie stap weg.” (reël 8)
- Wat lei jy af uit hierdie handeling van Jakkie? (1)
- 4.6 4.6.1 Watter klag sou waarskynlik teen Jakkie gelê word toe hulle hom hier vang? (1)
- 4.6.2 As gevolg van watter ander klag het die polisie hom ook later gesoek? (1)
- 4.6.3 Hoekom was dit vir die Suid-Afrikaanse Polisie onmoontlik om hom op ’n latere stadium in hegtenis te neem? (1)
- 4.7 MOSIE: “My sustertjie ...” (reëls 10–14)
- Watter emosie is in Mosie se woorde opgesluit? (1)
- 4.8 4.8.1 Wat word met die woorde “ At last” bedoel, in terme van die situasie waarin Mosie homself bevind? (1)
- 4.8.2 In watter emosionele tweestryd bevind Mosie homself op hierdie stadium? (2)
- 4.9 Na watter swaarkry in Poppie se lewe verwys sy in reël 16? Gee DRIE voorbeelde uit Poppie se lewe. (3)
- 4.10 Watter DRIE opeenvolgende woorde uit die uittreksel wys daarop dat hierdie protes ook ter wille van Poppie se nageslag is? (1)
- 4.11 Wie, volgens die uittreksel, verteenwoordig die onregverdige regering teen wie Jakkie-hulle in opstand kom? (1)
- 4.12 Watter tragiese gevolge het een van die protesaksies direk vir Poppie se familie gehad? (1)

- 4.13 Kies die persoon uit KOLOM B wat by die aanhaling in KOLOM A pas. Skryf slegs die vraagnommer (4.13.1–4.13.4) en die letter (A–E) neer, bv. 4.13.5 F.

| KOLOM A | | KOLOM B | |
|---------|-------------------------------------------------------|---------|------------|
| 4.13.1 | “Jy wou met die Kaffer gaan trou” | A | Mama |
| 4.13.2 | “Cause why, we waiting to die” | B | Mosie |
| 4.13.3 | “As ek net my regte kan kry soos iemand anders.” | C | pasbeampte |
| 4.13.4 | “Ons wil jou Ciskei toe stuur, na jou skoonmense toe” | D | Hoedjie |
| | | E | Jakkie |

(4 x 1) (4)

- 4.14 4.14.1 Poppie het altyd haar kinders se opvoeding as ’n prioriteit gestel. Gee TWEE bewyse in hierdie verband. (2)
- 4.14.2 Poppie voel ongelukkig dat sy sukkel om ’n pas te kry, maar haar broers nie. Wat is dan die verskil? (2)
- 4.15 By wie het Poppie haar kinders in die Oos-Kaap agtergelaat toe sy terug Kaap toe is? (1)
- 4.16 Voltooi die volgende paragraaf. Gebruik die woorde in die lys hieronder. Skryf slegs die vraagnommer (4.16.1–4.16.3) en die antwoord neer.

| |
|-------------------------------------------------------|
| vrouens; die polisie; die grootmense; bid; ouers; rou |
|-------------------------------------------------------|

God het ons 4.16.1 ... se gebede verhoor. Die kinders het nie meer respek vir 4.16.2 ... nie, die kinders sê dis nou ’n tyd van 4.16.3 ... (3)

- 4.17 Watter lewensles kan ma’s van Poppie leer uit hierdie drama? (1)

[35]**OF**

VRAAG 5: KONTEKSTUELE VRAAG**PALJAS – Chris Barnard**

Lees die onderstaande uittreksel deur en beantwoord die vrae wat daarop volg.

1. Dan, skielik, en sonder twyfel, en sommer hier naby, brul 'n leeu.
2. daar is 'n pouse, en dan 'n katel wat kraak. Katrien se silhoeët word sigbaar
3. waar sy vinnig voor die oop venster orent sit in haar bed.
4. Die leeu brul weer. En Hendrik se katel kraak.

5. KATRIEN: Hendrik ? Hoor jy dit?
6. HENDRIK: Dit klink komplete nes 'n leeu!

7. 'n Vuurhoutjie kras en Hendrik steek 'n kers op. Die leeu brul weer.
8. HENDRIK: (kyk verbyster op na Katrien toe): Dis God weet 'n leeu!

9. Dis vroegdag. Die stasie en werf is net-net lig. Hendrik, in sy nagklere en
10. spoorwegstewels, haelgeweer in die hande, kom onseker aangestap. Katrien
11. in haar nagkabaai, reg agter hom. Klein Willem drie tree agter haar. Emma
12. tien tree agter Willem. Hulle kom tot 'n punt – dan steek Hendrik vas en die
13. ander drie dam agter hom op. Daarna kom hulle tree vir tree nader. Maar soos
14. slaapwandelaars. Soos mense wat 'n ruimtetuig sien land en nou op die
15. ding afstap.
16. Oplaas word dit duidelik wat die vier sien: 'n trein. Die trein staan op die
17. syspoor. 'n Goederetrein. Vol dierehokke. Hokke met olifante, perde en leeus!
18. Hendrik, Katrien en die twee kinders loop in 'n dwaal van trok tot trok en
19. verkyk hulle aan die gedoente. Daar is geen lokomotief nie.
20. Eers ná die derde trok kry Hendrik 'n paar woorde oor sy lippe. Hy praat die
21. eerste sin sag, half met homself.

22. HENDRIK: Hulle sê my niks ... (Die tweede sin is effens harder, 'n bietjie
23. vieserig, 'n trok later.) Niemand het my niks gelaat weet nie ... (Die derde
24. sin nóg 'n trok later, by die leeus, is driftig en vir wie ook al bedoel wat
25. binne hoorafstand is) 'n Hele trein vol wilde ongediertes op my stasie, en
26. ek weet verdomp niks!

Bl.15 en 16

- 5.1 Watter atmosfeer word deur reël 1 geskep? (1)

- 5.2 5.2.1 Watter letterkundige term (TWEE woorde) beskryf hierdie oomblik in die drama wat voor Hendrik afspeel? (1)
- 5.2.2 Waarom sê jy so? (1)
- 5.2.3 Watter deurslaggewende rol het hierdie gebeurtenis in Hendrik en sy gesin se lewe gespeel? (1)

- 5.3 Is dit die eerste keer dat Emma daardie oggend opstaan? Motiveer jou antwoord. (1)
- 5.4 Waarom sou jy sê het die gesin genoeg rede gehad om op te staan? Gee TWEE redes. (2)
- 5.5 Te midde van hierdie gebeurtenis staan Emma nie juis baie naby haar familie nie. Wat sê dit van die verhoudings in die gesin? (1)
- 5.6 "... maar soos slaapwandelaars ..." (reëls 13 en 14)
- 5.6.1 Gee TWEE moontlike redes waarom die gesin soos slaapwandelaars optree. (2)
- 5.6.2 Watter beeldspraak word hier gebruik? (1)
- 5.7 5.7.1 Waarom dink jy het Hendrik genoeg rede gehad om omgekrap te voel? (2)
- 5.7.2 Wat was die trein se eintlike rede vir sy aankoms by Toorwater? (1)
- 5.8 Emma en haar Pa het vroeg daardie oggend 'n gesprek oor verhoudings met mans gehad.
- 5.8.1 Wat was Hendrik se opinie oor Emma se probleem? Gee DRIE feite. (3)
- 5.8.2 Wat was Emma se onmiddellike reaksie op haar pa se kommentaar? (1)
- 5.9 5.9.1 Wat was die dokter se verklaring vir Willem se spraakprobleem? GEE TWEE feite. (2)
- 5.9.2 Watter gevolge het Willem se spraakprobleem vir hom by die skool gehad? (1)
- 5.9.3 Hoe verskil Hendrik en Manuel se benadering tot Willem se probleem? (2)
- 5.10 Ma en dogter het ook nie juis 'n goeie verhouding gehad nie. Sou jy Katrien blameer, vir dit waaroor Emma haar konfronteer en waarom sê jy so? (1)
- 5.11 Hoe het die verhouding tussen Hendrik en Katrien, Emma se verhouding met mans geaffekteer? (2)
- 5.12 Nollie was nie juis beïndruk met Hendrik se inmenging in sy verhouding met Emma nie. Wat is ironies hieromtrent? (2)

- 5.13 Kies die persoon uit KOLOM B wat by die aanhaling in KOLOM A pas. Skryf slegs die vraagnommer (5.13.1–5.13.4) en die letter (A–E) neer, bv. 5.13.6 F.

| KOLOM A | | KOLOM B | |
|---------|-----------------------------------------------|---------|---------|
| 5.13.1 | “Wie het die wêreld vir jou gemaak, Emma?” | A | Katrien |
| 5.13.2 | “Lyk my dis ’n kwaal van die McDonalds.” | B | Emma |
| 5.13.3 | “Dis nie ek wat geskiet het nie.” | C | Sakkie |
| 5.13.4 | “Weet julle van iemand wat in die skuur bly?” | D | Nollie |
| | | E | Hendrik |

(4 x 1) (4)

- 5.14 Voltooi die volgende paragraaf. Gebruik die woorde in die lys hieronder. Skryf slegs die vraagnommer (5.14.1–5.14.3) en die antwoord neer.

| |
|-------------------------------------------------------|
| skuur; die nar; huis; Hendrik; Willem; die polisieman |
|-------------------------------------------------------|

- 5.14.1 ... staan en kyk na die McDonalds-werf. Hy sien Nollie in die rigting van die 5.14.2 ... hardloop. Katrien staan by die wasgoeddraad en roep na 5.14.3

(3)
[35]

TOTAAL AFDELING B: 35

AFDELING C: KORTVERHAAL**VRAAG 6: KONTEKSTUELE VRAAG****BEANTWOORD ALBEI KORTVERHALE****AGTER 'N BAARD – HENNIE AUCKAMP**

Lees die onderstaande uittreksel deur en beantwoord die vrae wat daarop volg.

TEKS A

1. Tuis onttrek Deon hom aan Marina en Bennie. “Ek sal niks waardeer voor
2. ek my nie gereinig het nie, soos die Bybel sê. “Marina hoor hoe hy hom insluit
3. in die badkamer, maar voel nie geaffronteerd nie: Deon se badkameruur
4. is altyd sy eie. In elk geval het sy dinge om na om te sien: die ete; vars
5. blomme vir die tafel; Bennie se ete.
6. iets bly haar kwel: die baard. Dis asof sy nie heeltemal tot Deon kan deur-
7. dring nie. Nuanses van kwesbaarheid en teerheid bly verskole agter sy
8. baard; deel van sy nuwe ervarings ook.
9. En sy het 'n reg op sy belewenisse, want hoe anders kan sy hom troos?
10. Sy briewe was so weinigseggend. Daar was die “liewes”, van aanhef tot
11. slot, of die onverwagte poësie van: “Jou lyf is my sekuriteit”, maar van
12. oorlog het hy niks gerep nie. Instruksies, neem sy aan: “Moenie paniek
13. saai nie.” 'n Paar van sy onskuldige briewe is selfs gesensureer.
14. Bennie begin vaak word; knies oor sy bord kos: “Wanneer kom Pappa?”
15. Sy is self haastig, want sy hoop dat die “reiniging” volkome gaan wees: 'n
16. Deon sonder baard. Nooit, vandat sy hom ken, het hy ooit 'n baard of
17. snor probeer kweek nie. Hy is nie die tipe nie; kwetsbaar, gevoelig, maar
18. óóp – dis sy styl.

Bl. 3

6.1 “Deon se badkameruur is altyd sy eie.”

Gee TWEE redes waarom jy sou sê dat Deon sy badkameruur hierdie keer meer sal geniet. (2)

6.2 “Ek sal niks waardeer voor ek my nie gereinig het nie ...” (reël 1)

6.2.1 Noem DRIE dinge wat hy daardie aand regtig gaan waardeer. (3)

6.2.2 Deon se “reiniging” was glad nie volkome nie, al het hy sy baard afgeskeer. Waarom nie? (1)

6.3 Waarvoor wag Bennie vir Deon om te doen? (1)

- 6.4 6.4.1 Op watter belewenisse van Deon voel Marina het sy die reg? (1)
- 6.4.2 Waarom wou Deon glad nie sy belewenisse met haar deel nie? (1)
- 6.4.3 Waarom vertel hy uiteindelik sy belewenisse aan haar? (1)
- 6.5 6.5.1 Watter taktiek het Marina probeer om Deon oor te haal om sy belewenisse aan haar te vertel? (1)
- 6.5.2 Was dit die regte besluit om haar te vertel? Gee 'n rede vir jou antwoord. (1)
- 6.6 Kies die ooreenstemmende reaksie in KOLOM B wat volg ná die aanhaling in KOLOM A. Skryf slegs die vraagnommer (6.6.1–6.6.4) en die letter (A–E) neer, bv. 6.6.7 G.

| KOLOM A | | KOLOM B | |
|---------|--------------------------------------|---------|-------------|
| 6.6.1 | “Ek het gewerk aan dié baard.” | A | Jaloesie |
| 6.6.2 | “... streel oor die blonde hare ...” | B | Afsondering |
| 6.6.3 | “Hou nou op, Marina!” | C | Verwyt |
| 6.6.4 | Deon fluister by haar oor. | D | Ontwykend |
| | | E | Liefde |

(4 x 1) (4)

- 6.7 Wat wil hierdie kortverhaal aan die leser oordra? (2)

EN

DIE PAKKIE – LEONARD KOZA

Lees die onderstaande uittreksel deur en beantwoord die vrae wat daarop volg.

TEKS B

1. Almal weet dat mev. Filander nie 'n man of 'n groot seun het nie. Sy is 'n
2. Rooms-Katolieke en maak vinnig die teken van die kruis en ruk dan die deur
3. oop, enkele sekondes na die klop.
4. "Dja Grootmeneer, wat is djou ding?" vra sy.
5. Pang Doodmaak voel baie ongemaklik, aangesien hy verwag het dat die deur
6. beantwoord sou word deur 'n bang en bewerige persoon. Hy stel net belang
7. om die pakkie te kry en hier loop hy hom nou vas in 'n vrou wat nie 'n bang
8. haar op haar kop het nie, of so dink hy.
9. In die tussentyd gebruik Esther die geleentheid om die pakkie deur haar
10. kamervenster te slinger.
11. Mev Filander kyk Pang Doodmaak stip in die oë en vra: "Djy lyk baie bekend,
12. is djy nie Moena se klong nie?"
13. Verbaas vra Pang Doodmaak: "Hoe ken Mêm my ou-girl?"
14. Mevrouw Filander kyk hom op en af. "Djou ma het net soe 'n light complexion
15. en blou oë soes djy, maa' sy is 'n baie goeie mens. Sy sal skrik as sy hoo'
16. djy's soe forceful by my huis."
17. Ewe skaam vra Pang Doodmaak weer: "Hoe ken Mêm my ou-girl?"
18. "Ek het djou opgepas toe Moena blomme by die Grand Parade ve'koop het.
19. Djou pa se naam was Boeta Allie vannie Constitutionstraat. Djy kyk ve'niet
20. vi' my soe skief aan, o's kô a'mal uit die Ses uit. Djy was somme' nog baie
21. klein toe djou pa afstêwe."

Bl. 139

- 6.8 6.8.1 Watter kriminele aktiwiteit in ons samelewing word hier belig? (1)
- 6.8.2 Die karakters praat Kaaps en selfs bendetaal. Noem DRIE aspekte omtrent die karakters wat ons onmiddellik kan aflei. (3)
- 6.8.3 Beskryf die innerlike tweestryd in Sally Filander toe sy die deur oopmaak. (2)
- 6.8.4 "... djou dom Jakkals"
- Beskryf die ironie in hierdie aanhaling. (2)
- 6.9 6.9.1 Watter bewys in dié kortverhaal bevestig dat die inhoud van die pakkie nie goed is vir jou gesondheid is nie? (1)
- 6.9.2 Gee TWEE bewyse dat die inhoud van die pakkie wel groot materiële voordele inhou. (2)

- 6.10 Wat beteken dit “as ’n mens ’n sterk front opsit” soos mev. Filander hier probeer doen? (1)
- 6.11 Hoekom kan Pang Doodmaak nie bekostig dat hy aan ’n kriminele daad skuldig bevind word nie? (1)
- 6.12 Voltooi die volgende paragraaf. Gebruik die woorde in die lys hieronder. Skryf slegs die vraagnommer (6.12.1– 6.12.3) en die antwoord neer.

| |
|----------------------------------------------------------------|
| Motor; tande; huis; Slang; Pang Doodmaak; Mev. Filander; naels |
|----------------------------------------------------------------|

- “6.12.1 ... kyk haar boos aan. O’s kan nooit o’sse valuebles hie’ los nie!” Hy byt op sy 6.12.2 ... terwyl hy na die 6.12.3 ... kyk. (3)
- 6.13 Dink jy Esther was reg deur nie die pakkie aan haar ma te gee nie? Gee ’n rede vir jou antwoord. (1)

TOTAAL AFDELING C: 35

AFDELING D: GEDIGTE**VRAAG 7: KONTEKSTUELE VRAAG**

Beantwoord **BEIDE** gedigte.

Lees die onderstaande gedig deur en beantwoord die vrae wat daarop volg.

TEKS A**Wie's hy? – Adam Small**

1. Die poet,
2. wie's hy?
3. Djulle het so baie bek oor die poet,
4. ma wie's hy?
5. Is hy rêrag soes djulle dink
6. die ou moerie pen ennie ink
7. wat in sy study sit en poems dink?

8. Nai,
9. djulle's mistaken,
10. nie hy nie
11. ma djulle is die poets,
12. djulle wat innie straat loep
13. ennie gladde bek verkoop
14. ma die dinge sien
15. en soema net daa God tien hulle roep!

[Uit: Sê sjibbolet, 1963]

- 7.1 Verduidelik die verskil tussen die stemming van die gedig en die toon van eintlike boodskap wat die digter wil oordra. (2)
- 7.2 7.2.1 Wie is die "djulle" in strofe 1 met wie die spreker praat? (1)
- 7.2.2 Waarom is dit gepas dat hierdie spreker Kaaps praat? (1)
- 7.3 7.3.1 Strofe 1 bestaan uit vrae. Is dit heeltemal korrek om dit as retoriese vrae te beskou? Gee 'n rede vir jou antwoord. (1)
- 7.3.2 Waarom vra die spreker dan al hierdie vrae? Gee TWEE redes. (2)
- 7.4 7.4.1 Wat is volgens strofe 1 die sogenaamde "korrekte" siening oor wie die ware digters is? (3)
- 7.4.2 Watter TWEE opeenvolgende woorde in strofe 2 gee te kenne dat die siening in strofe 1 nie korrek is nie? (1)
- 7.5 Waarom word die titel van die gedig soveel keer herhaal? (2)

- 7.6 Kies die woord/term uit KOLOM B wat by die aanhaling in KOLOM A pas. Skryf slegs die vraagnommer (7.6.1–7.6.4) en die letter (A–E) neer, bv. 7.6.8 F.

| KOLOM A | | KOLOM B | |
|---------|-----------------------------------------|---------|--------------|
| 7.6.1 | “in <u>sy</u> <u>study</u> <u>sit</u> ” | A | herhaling |
| 7.6.2 | “Nai” | B | vrou |
| 7.6.3 | “Wie’s hy?” | C | bewondering |
| 7.6.4 | “net daa God tien hulle roep” | D | alliterasie |
| | | E | teenstelling |

(4 x 1) (4)

- 7.7 Watter vermoë het die man in die straat wat die sogenaamde tradisionele digter volgens die gedig nie noodwendig het nie wanneer hulle gedigte skryf? (1)

EN

Lees die onderstaande gedig deur en beantwoord die vrae wat daarop volg.

TEKS B

Kabouterliefde – Ingrid Jonker

(Vir Simone)

1. Die kabouter met die rooi-rooi pet
2. die kabouter met die geel hemp aan
3. het sy hart gistraand vir my gegee
4. en sy hemp is vir die maan

5. Die hoepelronde blou-blou lug
6. het kadoemps op die grond geval
7. hy’t dit blink-blou in sy hand gerol
8. toe speel ons daarmee bal

9. Die sterre met hul wit ligte
10. het geknipoog toe ons lag
11. hul’t rondom ons in ’n kring getrek
12. soos ’n laer in die nag

13. Die aandblom het sy trom-trompet
14. geblaas in die warrelwindkring
15. die kalkoentjies met hul rooi mondjies
16. het die sprinkaan-wals gesing

17. Die maan met sy geel lyfie
 18. het gaan plat lê op sy rug
 19. hy't gaan slaap by die gousblomme
 20. met sy boepens in die lug
21. Die kabouter met die rooi-rooi hart
 22. het dit self vir my gesê
 23. hy't die aardbol oor sy kop gegooi
 24. o dis hier waar die liefde lê

[Uit: Rook en oker, 1963]

- 7.8 Wat noem ons die vierreëlige versreëls in hierdie gedig? (1)
- 7.9 Watter stylfiguur word gebruik by "gistraand" in strofe 1? (1)
- 7.10 Watter woord in strofe 1 bevestig die sprokiesagtige aard van hierdie gedig? (1)
- 7.11 Haal TWEE klanknabootsende woorde uit die gedig aan. (2)
- 7.12 Watter natuurelement veroorsaak dat die kalkoentjies die springkaanwals sing? (1)
- 7.13 Onmoontlike beelde soos die blou lug wat op die grond val en die kabouter wat met die aardbol speel, kom in die gedig voor. Waarom pas dit egter by hierdie gedig? (2)
- 7.14 Op watter emosie van die kind sinspeel die deurlopende enjambemente in hierdie gedig? (1)
- 7.15 Watter sintuig van die kind word die meeste in hierdie gedig ingespan? (1)
- 7.16 7.16.1 In strofe 1 gee die kabouter sy "rooi-rooi pet" aan die spreker, maar in die laaste strofe gee hy sy "rooi-rooi hart". Wat noem ons hierdie stylfiguur? (1)
- 7.16.2 Wat sê die kabouter dan nou uiteindelik daardeur aan die spreker? (1)
- 7.17 Watter intensiewe vorm versterk die ronde vorm van die lug? (1)
- 7.18 Watter vorm neem die maan aan as hy met sy "boepens in die lug" gaan slaap volgens die gedig? (1)
- 7.19 Watter voorbeeld van rym is "trom-trompet" in reël 13? (1)
- 7.20 Waarom dink jy slaag hierdie gedig as 'n volwasse liefdesverhaal? (2)

TOTAAL AFDELING D: 35
GROOTTOTAAL: 70